



**Antso ho an'ny tetikasa fitantanana ny milina famokarana fromazy,
ho fanatanterahana ny fametrahana Indostria isaky ny distrika
" ONE DISTRICT ONE FACTORY (ODOF)
Distrika MORAMANGA – Faritra ALAOTRA MANGORO**

---oOo---

AMI N° 01/23/MICC/SG/DRICC AIMan
Daty fiantsoana tetikasa: 29 Jona 2023

1. Raha ny eto Madagasikara no jerena ara-tarehimarika, dia ambany ny tahan'ny harinkarena faobe avy amin'ny indostria: 15% tamin'ny taona 2015. Niakatra kely ho 17% izany tamin'ny taona 2020. Hiaraha-mahafantatra anefa fa tokony omena lanja ny sehatry ny fanodinana ireo akora fototra eto amin'ny firenena satria ny vokatra voahodina avy amin'ny fambolena sy fiompiana dia be mpitady eo amin'ny tsena iraisam-pirenena
2. Ho fanohanana ny fampiasam-bola amin'ny sehatry ny indostria, ny Ministeran'ny fampiroboroboana ny Indostria, ny Varotra sy ny Fanjifana (MICC) dia manana ny praograman'asa "ONE DISTRICT ONE FACTORY (ODOF)", izay tetikasa fandraharahana isa-tanàna hametrahana ozinina isaky ny distrika. Izany dia mifanandrify indrindra amin'ny fanatanterahana ireo Veliranon'ny Filohan'ny Repoblika:
 - ❖ Ny fampiroboroboana ny indostria eto Madagasikara amin'ny alalan'ny fanohanana ny fandraharahana sy ny fampiasam-bola amin'ny sehatry ny indostria ary ny fampiroboroboana ny "vita Malagasy" (velirano faha 7);
 - ❖ Ny famoronana asa mendrika ho an'ny vondrom-piarahamonina eny ifotony amin'ny alàlan'ny famoronan'asa sy fiofanana ary fanatsarana ireo traikefa fototra (Velirano faha 6);
 - ❖ Ny fahavitan-tena ara-tsakafo amin'ny alàlan'ny fampitomboana ny famokarana ireo akora fototra vokatry ny fambolena, ny jono sy ny fiompiana, ny fanohanana ny tantsaha sy ny fanavaozana ary ny fampandrosoana ny teknolojia vaovao (Velirano faha 9).
3. Ho santarina eto amin'ny Distrikan'i Moramanga araka izany ny antso ho an'ny tetikasa izay hararitaka, mba ahafahana mifantana ireo izay hitantana ny milina famokarana fromazy.
4. Ho fanomanana izany fiantsoana **tetikasa santatra** izany, ny Ministeran'ny Fampiroboroboana ny Indostria, ny Varotra sy ny Fanjifana dia manao izao antso avo izao ho an'ireo mpandraharaha madinika sy salantsalany rehetra eo amin'ny sehatry ny ronono eto amin'ny Faritra Alaotra Mangoro.
5. Ireo mpandraharaha liana amin'izany dia tsy maintsy mahafeno ireto fepetra manaraka ireto: miorina eto amin'ny Faritra Alaotra Mangoro, misehatra eo amin'ny famokarana sy fanodinana ronono, mijoro aradalàna, tsy manana olana na fahatarana amin'ny fanefana ireo adidy ara-tsosialy sy ny fandoavan-ketra (manana NIF, STAT, RCS).



6. Ireo mpandraharaha voafantina dia tsy maintsy hiara-hiasa amin'ireo "Fikambanana sy Kooperativan'ny tantsaha Mpamokatra ronono" ato amin'ny Distrikan'ny Moramanga sy ny Faritra Alaotra Mangoro.
7. Ny fanehoana ny fahalianana dia tsy maintsy mifanaraka amin'ny modely voarafitra mipaingotra amin'ity fiantsoana tetikasa ity (*jereo ny Annexe 1*). Ary izany dia alefa amin'ny adiresy mailaka ramindou6@yahoo.fr sy zpialaotramangoro@gmail.com ary aterina an-tanana ao amin'ny:

Biraon'ny Fitaleavam-paritry ny Fampiroboroana ny Indostria, ny Varotra sy ny Fanjifana Alaotra Mangoro.

Eo ampitan'ny CNAPS Antsahatanteraka AMBATONDRAZAKA, Varavarana faha 02.

8. Ny fe-potoana fara-fanehoana ny fahalianana dia ny **20 jolay 2023**, amin'ny **4 ora hariva**.
 9. Raha mila fanazavana fanampiny, ireo mpandraharaha dia asaina hitsidika tranokalan'ny Ministeran'ny Fampiroboroana ny Indostria, ny Varotra sy ny Fanjifana (MICC) www.micc.gov.mg na hanantona ny Fitaleavam-paritry ny Ministera eto Alaotra Mangoro ao amin'ny adiresy voalaza etsy ambony na koa hiantso ny laharana 034 07 524 03.
- N.B: Azo jerena miaraka amin'ity antso ity ny modelin'ny taratasy fanehoana fahalianana (*jereo ny Annexe 1*).



ANNEXE 1: MODELY FANEHOANA FAHALIANANA

Anaran'ny orinasa :

NIF:

Stat:

RCS:

Adiresin'ny mpandraharaha: [Fokontany / kaominina hamaritana]

Laharana an-tarobia:

Adiresy mailaka:

Antony: Taratasy fanolorana ny fahalianana amin'ny fahazoana milina famokarana fromazy ho fampiharana ny tetikasa « ONE DISTRICT ONE FACTORY (ODOF) »

langaviana mba hasongadina amin'ny andalana vitsivitsy ireto teboka manaraka ireto:

- Inona marina ny tena asa fandraharahana ataonao (fintina fohy mikasika ny asa fandraharahana ataonao)?
- Aiza avy ireo faritra voakasiky ny fanatanterahana ny asa fandraharahana ataonao? (fokontany / kaominina)
- Nanomboka oviana ianao no nisehatra teo amin'ny fandraharahana?
- Inona avy ny tombony sy voka-tsoa mety ho entin'ny fahazoana io milina famokarana fromazy io amin'ny seha-piharianao?

[Daty, toerana, sonia]

